

**Ósk um endurupptöku á ákvörðun meirihluta Skipulagsráðs 29.03.2021**  
**vegna samþykktar íbúðar F2513969 að Hraunbraut 14**

**Til þeirra er málið varðar**

Ítrekað hafa ófullnægjandi upplýsingar vegna umsóknar okkar um samþykkt íbúðar á jarðhæð fjórbylishússins Hraunbrautar 14 legið til grundvallar ákvörðun skipulagsráðs, nú á fundi þess þann 29.03.2021. Er því óumflýjanlegt að óska nú eftir endurupptöku og að stjórnarsýsluleg afgreiðsla þessa máls byggist á réttum upplýsingum, staðreyndum og gögnum.

Umræddur séreignarhluti á jarðhæð Hraunbrautar 14 var frá upphafi ætlaður undir iðnað (sjá enn gildandi sameignarsamning), þótt á innsendum teikningum 1965 stæði geymsla. Með aðstoð bæjarins við íbúa fékkst iðnaður þar loks aflagður 1986, eigninni var breytt í íbúð sem búið hefur verið í síðan, í allra sátt.

Eftir lát eiganda 2018 kom í ljós að ekki hafði verið sótt um samþykki fyrir þessari íbúð á sínum tíma, en í sama húsi og næstu húsum er sama nýting jarðhæða/kjallara samþykkt.

Einnig kom í ljós að **Þjóðskrá hafði ólöglega skeytt eignarhlutanum saman við óskyldan eignarhluta annars staðar í húsinu.** Það er nú **endanlega leiðrétt** og **eignarhlutinn rétt skráður í staðfangaskrá Þjóðskrár, íbúð með fastanúmerið F2513969.**

Þetta **kom ekki fram við afgreiðslu skipulagsráðs 29.03.2021**, heldur var gengið út frá að þetta rými væri geymsla, og hluti annarrar íbúðar.

Hér er því **ekki um að ræða ósk um breytingu á notkun frá gildandi skráningu, og ekki um uppskiptingu eignar**, eins og erindið var lagt fyrir Skipulagsráð.

**Hraunbraut 14**

| Fasteignanúmer | Merking | Lýsing         | Bygg.ár | Birt stærð           | Fasteignamat      |
|----------------|---------|----------------|---------|----------------------|-------------------|
| F2062593       | 01 0001 | Íbúðareign     | 1968    | 76,7 m <sup>2</sup>  | <u>35.000.000</u> |
| + F2062594     | 01 0101 | Íbúðareign     | 1968    | 157,2 m <sup>2</sup> | <u>58.100.000</u> |
| + F2062595     | 01 0201 | Íbúðareign     | 1968    | 157,1 m <sup>2</sup> | <u>59.500.000</u> |
| F2513969       | 02 0101 | Ósamþykkt íbúð | 1968    | 48,7 m <sup>2</sup>  | <u>19.850.000</u> |

- Byggingarfulltrúi hefur þegar staðfest að íbúðin uppfyllir **öll skilyrði allra reglugerða fyrir nýjar íbúðir árgerð 2021, og rúmlega það.** Lofthæð (2,6 m), brunavarnir, flóttaleiðir, geymslurými, gluggar á tvo vegu o.s.v.frv.
- **Engin breyting yrði við samþykkt þessarar íbúðar** á ytra eða innra byrði, umhverfi, íbúafjölda, notkunarsviði, bílastæðum, umferð eða neinu öðru, til eða frá. Í raun er hér ekki um að ræða byggingarleyfisumsókn, heldur að **opinber skráning eignar verði í samræmi við farsæla 35 ára reynd, og raunveruleika næstu áratuga.**
- Skriflegt samþykki **allra meðeigenda og allra nágranna** fylgir umsókninni.
- **Fordæmi:** Í næstu húsum hníga öll dæmi sem við þekkjum að sama brunni síðustu áratugi, erindi sambærileg okkar hafa verið samþykkt, í sátt allra íbúa og nágranna.

- **Fjölgun íbúða er ótvíræð, gildandi stefna bæjarins fyrir reitinn, og hverfið.** Sé Skipulagsráð nú að horfa til þess að snúa gildandi stefnu í framtíðinni algjörlega við, verður enn að áréttu að **samþykkt íbúðar okkar myndi þar engu breyta til eða frá.**
- **Hagsmunir viðbragðsaðila** í bráðatilfellum eru **rétt skráning húsnæðis.**
- **Hagsmunir Kópavogsbæjar** eru m.a. að **réttur** (og hærri) **skattstofn** myndist.
- **Hagsmunir og yfirlýstur vilji allra íbúa og allra nágranna** er að þessi íbúð sé samþykkt. **Stjórnsýslulög\*** skylda stjórnvald til að **sýna fram á sterkari hagsmuni á móti**, til að **mega ganga gegn jafn ríkum hagsmunum íbúa og hér er um að ræða.** Engin slík rök hafa enn komið fram frá hendi bæjarins.
- **Einu framlögðu rök** meirihluta skipulagsráðs eru: „...að nær væri að setja skýra stefnu hvað varðar fjölgun íbúða innan tiltekins hverfi. Í nýju aðalskipulagi, sem nú er í vinnslu, er að finna tillögu um að skoða möguleika á fjölgun íbúða í þegar byggðum hverfum...”
- **Í gildi er aðalskipulag.** Eftir því er farið við **mikla íbúðafjölgun** í þessu „byggða hverfi“ (Kársnesi) fram á þennan dag. Dæmi næst Hraunbraut 14 eru Kársnesbraut 21, fjórbýlishús í stað einbýlis, Ásbraut 2, tvö fjölbýlishús í stað einbýlis, eða **Kársnesbraut 19 sem nú er í byggingu**, fjórbýlishús í stað einbýlishúss. Samþykki fyrir umræddri íbúð að Hraunbraut 14 hefði hinsvegar **enga fjölgun íbúa** í för með sér.
- Afgreiðsla stjórnvalds á erindi eins og okkar verður að vera á grunni gildandi laga og reglna, en ekki einhvers sem hugsanlega, mögulega verði í framtíðinni. Höfnun Skipulagsráðs byggir því ekki á gildum rökum, og er **ekki gild ástæða til að ganga gegn hagsmunum allra hlutaðeigandi - þar með talið Kópavogsbæjar sjálfs.**

Það er því vel rökstudd krafa okkar að afgreiðsla skipulagsráðs á erindi okkar verði endurskoðuð á grunni réttra upplýsinga, fordæma, gagna og laga, og umsókn okkar hleypt áfram til faglegrar úrvinnslu innan stjórnkerfis bæjarins.

Kópavogi, 5/5 '21

  
Steinar Orri Sigurðsson

  
Hallgerður Elvarsdóttir

\* Sbr. bæði jafnræðisreglu stjórnsýslulaga í 11. gr. laga nr. 37/1993 og meðalhöfsreglu stjórnsýslulaga í 12. gr. sömu laga.